

Carl Sargeant AC  
Y Gweinidog Cyfoeth Naturiol  
Llywodraeth Cymru

22 Mai 2015

Annwyl Weinidog

### **Proses benodi Cadeirydd Cyfoeth Naturiol Cymru**

Cawsom ein hysbysu'n ddiweddar o'r broses sy'n mynd rhagddi o benodi Cadeirydd newydd Cyfoeth Naturiol Cymru

Fe wyddoch bod swyddi tebyg ar lefel y DU yn destun gwrandawriad cyn eu cadarnhau, yn y Senedd. Er enghraifft, mae dwy swydd Cadeirydd Natural England a Chadeirydd Asiantaeth yr Amgylchedd yn destun y weithdrefn hon.

Yn ogystal, mae Cynulliad Cenedlaethol Cymru wedi cynnal gwrandawriadau o'r fath cyn penodi'r Ombwdsmon Gwasanaethau Cyhoeddus ac Archwilydd Cyffredinol Cymru.

Gofynnaf, felly, am y cyfle i'r Pwyllgor Amgylchedd a Chynaliadwyedd gynnal gwrandawriad gyda'r ymgeisydd a ffefrir cyn i chi ei benodi.

Byddai ychwanegu'r cam arall hwn i'r broses yn rhoi sicrwydd i'r cyhoedd o ran y penodiad terfynol; yn cadarnhau dilysrwydd y sawl a benodir; ac yn darparu tystiolaeth o annibyniaeth barn yr ymgeisydd. Mae hefyd o fewn ein dyletswydd i ystyried penderfyniadau gweinidogol fel rhan o'r broses graffu.


Fel yn achos y weithdrefn yn y Senedd, byddem yn adrodd yn ôl ar y gwrandawriad gyda'n barn ar addasrwydd yr ymgeisydd. Ni fyddai hyn yn gyfrwymol arnoch chi, ond byddem yn disgwyl i chi ystyried yr adroddiad cyn gwneud y penodiad.



Ymddiheuraf am gysylltu â chi yn hwyr yn y broses benodi. Yn anffodus, ni chefais fy hysbysu gan gennych chi na'ch swyddogion fod y broses hon wedi dechrau a dim ond y ddiweddar y cefais wybod am yr amserlenni perthnasol.

O ran penodiadau cyhoeddus sylweddol yn y dyfodol, gofynnaf ichi roi gwybod yn ysgrifenedig i'r pwyllgor Cynulliad perthnasol, gyda manylion y broses i'w dilyn a'r amserlen ar gyfer y penodiad cyn i'r broses ddechrau. Gofynnaf ichi, hefyd, ystyried cyhoeddi datganiad ysgrifenedig i Gynulliad Cenedlaethol Cymru.

Yn gywir



Alun Ffred Jones AC

**Cadeirydd y Pwyllgor Amgylchedd a Chynaliadwyedd**

